

لمسة حنان من ريش جناحها

واقف على الحدود !!..

ودخلت قلبى إزاي..
وكنت مو صد ضلفته
وواربت بابه بدون ما أحس بلمسته..
وسكنت فيه..
بلسم جراحی ورقته
ما تكونشى جنى أو مخاوى همسته
آه يا وجع قلبى الجديد..
أصبح عليل محتاج دوا
رمشك فتننى وضحكك طيسر اللقا
جد أخذنى لدنيا تانيه
شبكنا إيدنا وطيرنا فوق
فوق ف السما..

ورسمنا بكره ملامحه غابت عننا
فوقنا بضحك ملايكة بتحوم جنبنا
وأنت البرئ الطازرة قلبك منتشى..
هدى شوية لقلبي ممكن ينكسر
وتضيع ملامحه ما بين قساوتك..
ولا نكران الهوى
بالراحة لو تدبح وحاسب..
قلبي الحزين راح يستوى
وتنتبت الأحلام على كفوفك زهور لرجوع
أنا موجوع..
لكنى عايش أنتظر وردة خدودك ف اللقاء
لمس هزارك كان حرير

ولمستك لوح أردواز..
روحك طليقة زى بسمات الصغار
واختارتى تجرى غزالة شاردة
لحضن دافى يضمها
تلقى الأمان وراحة تسكن جنبها..
من غير قلق سهرانه بتعدى النجوم
ودموعك السيالة على خدودك رهان
يمكن بيان إنك جبل..
لكن دا قلبك فى الحقيقة ف رقة العصافير
وزقزقات الطير..
والغنا فى وقت الأصيل..
أنا مش دخيل.. لكنى واقف ع الحدود
حارس لجنات النهار.